

‘Ode Lvgdunensis II’

Janus Dousa

bron

Janus Dousa, ‘Ode Lvgdunensis II’. In: id, *Nova poemata*, fol. [E4]r-[F6]r. 1575.

Zie voor verantwoording: http://www.dbnl.org/tekst/dous002odel01_01/colofon.php

© 2002 dbnl / Johan Koppenol

The logo for the Dutch Bibliography (dbnl) consists of the lowercase letters 'dbnl' in a blue, sans-serif font. The letter 'd' is stylized with a small 'y'-like shape above it.

Ode Lvgdvnensis II.

Ad Ioannem Havtenvm reipvblicae Lvgdvnensi à Secretis.

- HAutene, nî te plus oculis ament,
Nî te in sinu, ipsis inque oculis ferant,
Musaeque, Gratiaequae, & ipsum
Quantum adeò Venerum, atque Amorum est:
- 5 O inuenustas tunc Veneres nimis,
Musaque tristes, atque inamabiles:
O nomine indignos Amores:
O Charites sine gratia omni.
Sed Gratiarum grata cohors nimis,
- 10 Musaeque semper Musicè habent suos:
Natiua nec sic prorsum Amores
Liquit amabilitas, nec ipsa
Expers venustate est adeo Venus,
Vt non suis te plus oculis ament,
- 15 Non in sinu sibi dicatum,
Inque ferant oculis alumnum.
Quid ergo mirum, tot si ope numinum,
Et tot Dearum praesidijs ferox
Maranicae expeditionis
- 20 Ludibrium, obsidiumque nuper
Spreuisti inultus? aegide quem sua,
Placere se vult dum Veneri suae,
Texisse, seruatum esse & ipsum
Credibile est voluisse Martem.
- 25 Qui te per hostes mille grauissimos
Domique, & intrà moenia maximè,
Dextra sinistra rem exhibentes,
Intrepido dedit ire gressu.
Thorace septum plusquàm adamantino,
- 30 Constantia dico, atque fide, & graui,
Quam semper ante oculos habebas,
In patriam pietate Ciuis.
Camoenae amoenae, vestra ope nunc opus
Vestro Poëtae: nec pote sum Deae
- 35 Tacere, qua me Hautenus in re
Iuuerit, officijsque quantis
Obnoxium me reddiderit sibi:
Nec me modò, sed Rem quouque Publicam
Omnem, mihi quae luce semper
- 40 Carior, hisque oculis futura est.
Vobis sed istud dicam equidem palam,
Vos porrò multis dicite millibus:
Anusque curate hac loquatur
Pagina ne fugiens citò aetas
- 45 Obliuiosis inuida seculis,
Nocte illius caeca hoc studium tegat:
Neu nomine in deserto Arachne
Texat opus, tenuemque telam.
Nam quos labores pertulimus simul,
- 50 Ab hoste pressi dum fuimus fame,
Ferroque, testis ipse testis
Esse potes, neque enim poëtam,
Hautene, decretum hic agere est mihi.
Procul Poëtae sint, procul hinc volo
- 55 Commenta vatam. vera quippe

Historica fide agenda res est.
 Ergò labores quos tulimus simul,
 Hostilis vrbem dum tenuit metus
 Vallo, fame, obsessamque ferro,
 60 Nil opus est memorem monere.
 Notum tibi nam, quo studio fori
 Hinc Alpha, & illinc Beta sategerint
 Mutabile ad defectionem
 Farris inops stimulare vulgus.
 65 Dum quod vel anno sat foret hordeum
 Zythepsa perdit: quaeque fami byne
 Esset leuandae, excocta flammis
 Esui inepta, nec apta potû,
 Mutata aceto, redditur, & nouo
 70 Sapore abusam ceruisiam dolet.
 Omitto Dardanariorum
 Perfidiam, nec opus referre hîc:
 Vendentium clam, quae dare publicos
 Frumenta in vsus debuerant palam:
 75 Condenda auarè, promere illa
 Nî subigat pretiosus emptor.
 Quae de beatis dicta velim modo,
 Iisque, queis res illa erat in manu:
 Qui dico puluinis sedere
 80 In prasinis, solio & Curuli
 Sueti. ad Sodales namque quod attinet
 Collegiorum, & Ciuica nomina
 Tum qui Sagittari vocantur:
 Quid melius pote, fortiusûe
 85 Fuisse? qui Rem tam bene Publicam,
 Contra omnium spem, votaue Circij,
 Et Clusij, vt scis, in foro qui
 Vsque suo Borean agebant:
 Defendere ausi non sine maximis
 90 Molestijs, freti auxilio Dei
 Solius: expensamque vitam
 Haud sibi, sed patriae referre.
 Testis Iacobus Duziades mihi
 Hautene, tuque, & si quis amicior
 95 Sibi ipse, mutasse Aurasino
 Imperio iuga gaudet Albae:
 Nondum expiatis oblita caedibus,
 Verum expiandis, si faueat Deus,
 Breui, ipse vti spero rogoque,
 100 Iure meo, meritoque Iberum.
 Atqui doloris hoc cumulum insuper
 Mali addidit mî, quod Populo magis
 Curae esse rem suam viderem,
 Quam Dominis, procerum coetû.
 105 Namsumma rerum credita quæis erat,
 Censere mecum si capite posse,
 Hoc me puto praestare posse,
 Vix numero totidem repertos,
 Quot culta Nili diuitis ostia,
 110 Vrbi vsui ex his qui fuerint bono:
 Nullumque vulnus Lugoduno,
 Heu, grauius reor accidisse,
 Istos probos quàm Lanitij ordines,
 Quaterque Denos quos perhibent Viros:

- 115 Ex oppidi prisco instituto
 Quos penes in Popoulum potestas.
 Urbisné Laedae Ciuem? (aliquemné ita
 Ciuem esse fungum, qui Batauus fiet?
 Quid dico Ciuem? imò Tribunalum
- 120 Ciuibus impositum regendis,
 Optare Iberum seruitum sibi:
 Et supplicem velle his fieri, quibus
 (Pròh tempora, inuersique mores)
 Debuerat timor ipse esse?
- 125 Quenquamné sic factum immemorem sui,
 Iurandumviti ius aestimet irritum,
 Ius Publicum causa asserendi
 Quod dederat prius Aurasino?
 Fame paratos cum uideat mori
- 130 Ciuēs, & vrbem Marte tuerier:
 Parte altera aduentare classem
 Subsidio Boïsonianam,
 Praesto futuram, si faciles Deus
 Ministret aestus, Caecia, & Africo
- 135 Iuuante decursus aquarum.
 Adde etiam incolumi Aurasino.
 Hoc viderat mens prouida vindicis,
 Bronchorstij acris, quippe suo malo
 Longoque docti vsu, malignas
- 140 Horum hominum dominationes,
 Nullaque minutum imperium fide.
 Eoque, qui illi feruor erat viro,
 Omnem potestatem abrogare his,
 Re super hac etiam ad Camillum
- 145 Datis tabellis certus erat semel.
 Quod perpetratum reddere dum parat,
 In ordinem ipsummet redactum
 Vidimus, & fuit aegrè amicis.
 Hoc ipse questus hei quoties mihi est,
- 150 Quàm saepe questus ipsum etiam tibi
 Hautene, partiri vsque tecum
 Consilia, ah, solitusque curas.
 Virtute foelix ille quidem sua,
 Fidensque, & idem Publicae amans Rei,
- 155 Quantum potest amare quisquam
 Hanc alius: stomachoque muri
 Ahenei instar cedere nescio,
 Id quod de Achille tradit Horatius:
 Foelixque Bollanus cerebri:
- 160 Famae auidus, pretioque durus
 Flecti: nisi quod de puero Alphitêi,
 Fas vera fari, consuli honestius
 Potis fuisset, hoc nec ipse
 Inficias, puto, amicus ibis.
- 165 Sed functus aeuo cessit, & hanc meo
 Douzae propinquo lampada tradidit:
 Heu, morte venalem arte visus
 Herculea petijsse laurum.
 Nobis relinquens obsidium, & famem,
- 170 Et monstra, facto quae velut agmine
 Mox lucis erupere in auras,
 Herculeo superanda nisu.
 Quid multa? iniquae plenum opus aleae

Adire visi nec cinere abditos,
 175 Vt ante, sed clarè emicantes
 Ire Tribunitios per ignes:
 Fluctu opprimendos non nisi maximo,
 Qualis sequutus mox Boïoticus.
 Vt quos, Patrum accito frequenti
 180 Concilio, bonus ille Circê
 Collega, dictus Dimidum tui
 O Laeda, Iano progenitus patre,
 Et ipse Ianus non biuertex
 Ille quidem, geminaque fronte,
 185 Sed par, modo huic non & geminus Deo,
 Ad duplicis linguae arma quod attinet:
 Septentrionali tepentes
 Vsque recalfaciebat aura.
 Quid, non suis mox viribus obrutus
 190 Resedit ardor, autaque Circij
 Pridem fames clamore, coepta
 Lenior & leuior videri?
 Quàm longius se vele negauerant
 Perferre sponsi Penelopes modò,
 195 Praetorio ipsi derepente
 Obsidium facere, & Tribunos,
 Meumque Douzam, teque Notarium,
 Rubiginoso non sine acynace,
 Strictisque circumstistere ausi
 200 Dentibus, & Tragico Senaturn
 Terrere vultu: quin etiam insuper
 His comminari, nî sibi gratia
 De sportula, atque commeatu
 Paniceo fieret, fugandae
 205 Qui sat fami esset, sese igitur palam
 Valentiori postridie manu,
 Et conglobatos adfuturos
 Cum socijs pariter trecentis.
 Magna illa totum quasserat oppidum
 210 Metu, suarum partium, & hostium
 Confisa defensore Iano
 Colluuiis tunicata ulgi.
 Curae Deo sed nostra salus fuit,
 Qui postero, quàm contigit hoc, die
 215 A Principe optatam salutem
 Misit, & auxiliij benignam
 Spem luxit vrbi. quid tabulas loquar,
 Reducta quèis mens ciuibus anxijs,
 Reducta virtus, & remissae
 220 Corporibus rediere vires?
 Saluere gratis vos iubeo modis
 Gratas tabellas, vosque quibus deus
 Tam nuncij optati tabellas
 Ferre dedit, medios per hostes.
 225 In ore ego vos saepe feram meo:
 Canamque de tot, qui reduces fore
 Iurauerant, solos redisse:
 Ferre famen potius paratos,
 Praestare quàm non pollicitis fidem,
 230 Aut facta dictis addere, caeteri ut
 Fecere, quos vnda aucta, & hostis
 Heu patria prohibebat vrbe.

O me beatum, cum subit illius
 Imago noctis, qua mihi, & optimo,
 235 Bronchorstij in locum, Iacobo
 Douziadi moderamen vrbis,
 Et summa rerum tradita Principis
 Iussu, & piorum non sine gaudio,
 Ne quid mali intestino ad hoste
 240 Publica Res caperet, timentûm.
 Illas dedistis vos mihi de manu in
 Manu tabellas, nunc etiam mihi
 Dulces tabellas, quae supremam
 Rebus opem dubijs tulere.
 245 Ergo ore ego vos saepe feram meo,
 Paresque vobis quas dedimus Ducem ad
 Classis Loïsum ferre, cursu,
 Obsequio, ac taciturnitate
 Dicam columbas, addem etiam fide.
 250 Verum & tibi laus debita non minor
 Hautene, tàm saepe obuiam auso
 Ire Tribunitijs procellis.
 Tu, cum virili Marte nocentior
 Chloê, Sacrorum credo cupidine,
 255 Ad arma Conscriptos ad arma
 Haud verita exstimulare Patres,
 Rerum nouarum quos cupidissimos
 Norat, nec ausos prodere se tamen,
 Dum tot malos bonis frequentes
 260 Curia habet sine lege mistos,
 Nostras in arctum cogere copias
 Nonariarum tenderet agmine,
 Vulgique mendicabulorum
 De triuio comitante foece:
 265 Primus rescisti consilia hostium,
 Tempus, diem, horam, tesseram, item locum,
 Modumque coniurationis,
 Et capita, auxiliosque.
 Sed Fulua vsus indice, quae tibi,
 270 Ceu Tullio olim, conscia partium,
 Decreta, connuentusque notos
 Foemineo patefecit astu.
 Primus locando praesidio in Vijs,
 Et insidendis pontibus, & foro,
 275 Mique ac meo agnato cauendi
 Auctor ab insidijs fuisti.
 Nec te fefellit, quid pareret domi,
 Forique in ipsis visceribus latens
 Colubra. nota dicta habebas,
 280 Nota etiam horum inimica coepta.
 At nulla visa his res grauior tamen,
 Quàm Publicae quod Scriba Rei fores:
 Praesente nec quicquam Togatus
 Te sine consulere ordo posset.
 285 Confisus hac tu Palladis aegide,
 Calcasti anilem sub pedibus metum,
 Ianique conatus, grauesque
 Circi inimicitias, & iras.
 O si canendis nunc locus his foret,
 290 Vt mî ille suavis accideret labor:
 Nec tempore vllo te Camoenae

Deficerent memorare nostrae.
 Sed me Iacobus Douza meus vocat
 Collega, primo ponere quem loco
 295 Decebat. ô te ita ille seruet
 Incolumem viridi senecta
 Cognate Lugduno, & Batauis Deus,
 Fido vt fidelem te memini mihi,
 Firmumque, communique amicum
 300 Et patriae, & Domino fuisse.
 Praesentiae vis quid valeat tuae,
 Sensere Patres, cum Mathenesij
 Diploma, Baldaei que scriptum,
 Concilij procerum acciendi
 305 Occasionem praebuit, haud tibi
 Dico, Viris ijs sed Decies Quater
 Iacobe, nunquam aequè beatis,
 Nunquam alias mage ouare visis,
 Quàm tempore illo, cum numero quidem
 310 Longè priores, verum animo impares,
 Nos sorte sperarant frequenti
 Vincere. sed minuit tumorem
 Sententiae vox illa prior tuae,
 Dissidentis conditionibus
 315 Fallace promisso, nec vlllo
 Hesperio nisi praede fultis.
 Nî forte dicat quis Mathenesum,
 In abdicanda tam male compare
 Pridem Tridentinis abusum
 320 Consilij. erit ille fidus,
 Datam fefellit qui domine fidem?
 Namque hic omitto de Domino queri.
 Illud videmini monendi
 Mî modò, cauto opus esse vobis,
 325 Ne qui Tridentum tam didicit bene,
 Constantienses nunc Canonas quoque
 Sit doctus, & seruare pacta
 Hereticis scelus esse ducat.
 Ne multa, credi non bene perfugae,
 330 Tot qui sacramenta irrita fecerit:
 Nobisque censebas cauendum
 Esse reconciliato ab hoste.
 Haec summa, certum te potius mori,
 Vitamque finire ingenua fame,
 335 Quàm Patriae pactum Parenti
 Nassouio violare foedus.
 Quêis succinentes nos quoque legibus,
 Prò tempore illo pauca, sed asperè
 Satis rei pro indignate
 340 Diximus. hinc reliqui sequuti.
 Pijsque iniquo cernere erat gradu
 Sedre mistos Papicolas, Petro,
 Primarius quod Consul esset,
 Vermerio praeunte verba.
 345 Petro Hadriani prole, viro quidem
 Forti, & fideli: sed domitos parum
 Habente Collegas, eoque
 Saepe gradum cohibere iusso.
 Dicere nostro tu quoque carmine,
 350 Cognominis mî Iane, sate inclita

De stirpe Duenuordiorum:
 Dux pariter bonus, atque miles.
 Et vos eadem progeniti domo,
 Fratres gemelli, non sine gloria
 355 Ictisque destinare certos,
 Remque malam dare glande docti.
 Bruchouij nec vos tacitos sinam
 Praetorio ambos munere nobiles,
 Par ciuium, & fratrum fidele:
 360 Teque grauem spolijs Iberum
 Verlane, gesta re toties bene.
 Clarumque equestri stirpe Raporstium:
 Huicque additum in partem laborum
 Excubijs vigilum locandis,
 365 Signoque dando strenuum, & impigrum
 Montfortium: & te compare cum tuo,
 Andraea, dordracum merenti
 Cui posuit spetiosa nomen.
 At ô quibus vos laudibus efferam,
 370 Sagoque, & armis praepositi Duces,
 Francisce Murendala, teque
 Theuderico genitore natum
 Arnolde: & horum cedere nemini,
 Bonoque semper visum animo Scotum:
 375 Quarumque te Piscari, & ipsum
 Theuderico genitum parente?
 Quo primipilos carmine, quo Lyra
 Dicam optiones, quiue Vicarij
 Fuere, Vexillarijue,
 380 Pro patria haud timidos obire?
 Manipulares cumné Triarijs,
 Decuriones an potius loquar?
 An hos, & illos buccina vna
 Nostra canet pariter Thalia?
 385 Vtroque opinor. imò bonos simul
 Omnes ad vnum funere seu manu
 Facto solutus, & sub altis
 Moenibus ante oculos parentum
 Ab hoste stratos: siue etiam quibus
 390 Perire sicca morte dedit Deus,
 Famesue, fulminisue ritu
 Pestilitas mala misit Orco.
 In quês honorem non minimum, vt puto,
 Virtute vera commeritus, patre
 395 Praetore arenosis Iacobo
 Sub tumulis Iacobus ortus,
 Catuici ad actam littoris. ô caput
 Solers, in hostem seu facere impetum
 Repente, certos sine plumbo,
 400 Seu dare ferro opus esset ictus.
 Qui nunc sacer Dijs Manibus additus,
 Tibi interempto pro patria, & quidem
 Pugnando, Barthlomaee gaudet
 Elisijs comes ire campis.
 405 Lugete Ciues, lugeat vrbs Ducem:
 Vicarium dux luge etiam tuum
 Vischaere, non vnquam nec arctis
 Temporibus tibi defuisse
 Visum. laborum nam patiens erat,

410 Insomniaeque, & pulueris, & famis:
 Saepe & minari auditus hosti:
 Brachia se duo, sinulosque
 Habere ciues, altero vti famem
 Sistant comeso: qui super altero est,
 415 Vt foeminis, natisque, & à se
 Carnifices gladios repellant.
 Dij multa at isti dent mala Circio,
 Barbam leoni vellere mortuo,
 Larisque qui pugnare fortis,
 420 Hunc etiam capere ausus hostem est:
 Sed morte functum, cum neque iam loqui
 Mutus, tenebris obsitus, & Styge,
 Pro se ipse, nec famam tueri
 Incolumem gladio valeret.
 425 Illum & Thrasonem dicere non timens
 Audace lingua, pectore non item:
 Sibi amputaturum nec vltra
 Brachia, nec nociturum Iberis.
 De Publica & Re vos meriti bene,
 430 Vereque digni nomine Ciuium,
 Nostra nec indigni arte, quorum
 Hic etiam tituli legantur
 Prae caeteris, Corneli Euerardice,
 Cornelio & tu progenitus patre
 435 Francisce, cuique à flore nomen
 Ipsa suo posuit Dione.
 Vos Treuiros sed dicere quid vetat?
 Impune coecas ire per orbitas,
 Perque hostium tot septa, Rotam
 440 Vltius penetrare nando
 Ausos: peracto & munere Publicae
 Legationis, mox posita mora
 Diem representare pactum,
 Et reditu exhilarare ciues.
 445 Nec te bone, etsi Concilij Patres
 Lanarij, assessum abnuerint tuum,
 Messaga, permissio quod vtens
 Iure Danistam ageres, silebo.
 Obliti in altrô se reprehendere,
 450 Qui quaestus ipsis maximus est palam
 Domi, idque nulla Auctoritate,
 Aut tabulis, tituloúe fultis.
 Et vos vocati rebus in asperis
 Praesto adfuistis qui toties mihi,
 455 Par Concionantum integellum.
 Mente quati solida nec vnquam
 Visi Fideles: vosque Petri duo
 Octouiratus lumina, & Omie,
 Et Guassenari: tuque Bancki,
 460 Saepe mihi memorande Bancki.
 Et vos Iodoci progenies patris
 Par Lucafratrum, tuque adeo eminus
 Gualtere, perdûelles ferire
 Docte tubo iaculante plumbum.
 465 An verò, an Hugo te tacitum sinam,
 Cui Alcuma stirps? huc ades o bone,
 Mandes vt obsessori Ibero,
 Has Veniae Mathenesiane

Dites tabellas, totque diplomata
 470 Maranicae tam prodiga gratiae,
 In thura vendentem, atque odores
 Galbaneos genus omne vicum,
 Rite instituto pharmacopolio,
 Mittat. sed & vos huc quoque Publici
 475 O Praemiatores adeste,
 Nomine conueniente rebus:
 Dicit Volones seu potius iuuat,
 Terror Iberum, ac Harlemij Lacus,
 Insigne Rostratae vnde ferre
 480 Hic etiam meriti coronae,
 Mersis profundo nauibus hosticis,
 Vectorijs vero, & Duce partium
 Capto, & reseruato ad Triumphum,
 Non sine ferriuomi aeris auctu
 485 Reuecti, & amplis cum spolijs domum.
 Et vos ô horum tergemini Duces,
 Iane, ac Herisce, tuque dignus
 Obsidia superesse Binci,
 Et Bincianum protinus in locum,
 490 Pusilla nomen brassica cûi dedit,
 Suffecte Corneli, vsque Iberis
 Exuuijs humeros onustus.
 Sed nec mihi hîc Alberte tacebere,
 Punire Cacos, alter vt Hercules,
 495 Defendere & Mauros iuuenis,
 Nec timidus prohibere fures.
 O qualis, & quali, o, facies typo
 Digna, & tabella, cum bouis vnus
 Raptu videres, tresque abactos
 500 Ob vitulos vitulantem Iberum?
 At non inultum, quando Batauico
 Mauros capillos puluere collinens,
 Charonico missus cruentum
 Ore solum rapidus momordit.
 505 Dicam & cohortis Centuriam meae,
 Quam paene cum iam cuncta forent metu
 Repente consternata, primis
 Scilicet obsidij diebus,
 Albiniana ad Castra Britanniae
 510 Caesis alumnis: parte alia, & quidem
 Vidente ciuitate tota,
 Non bene deficiente ad hostem,
 De Falcoburgi Praesidijs loquor.
 Adde interempto militiae Duce
 515 Fortissimo Andraea, & iacente
 Corpore tunc etiam insepulto.
 Famelicum osis obsidium pati,
 Cunctisque pro se cuncta pauentibus:
 Omnis mali dum causa, secum
 520 Papicolae taciti reident:
 Dapesque festas, ac epulas parant,
 Quêis quisque amicos exciperent suos,
 Fratre, aut patrem lic, virum ista, Maurum
 Coprohorum haec, monachum illa amantem.
 525 Cohortis inquam Centuriam meae:
 Quam ego, videri ne capitis minor
 Possit, Duce, vt dixi, perempto:

In varias vel abire partes:
 Malis dolorem, laetitiam bonis,
 530 Plenam vniuersis denique ciuibus
 Stuporis admirationem
 Incutiens, animosque firmans
 Heu imbecillo pectore praeditis:
 Tuo rogatu nomine Publico
 535 Bruchoe, suscepi regendam,
 Non pretio, sed amore recti.
 Nec poenitet dum facti, ita singuli
 Fortem dedistis hic operam mihi,
 Ducisque Commanipulones
 540 Morigeri imperio fuistis.
 Referre longum nomina: vos tamen
 Quis nescit isse hosti assidue obuiam:
 Bis valla, & expugnasse crates
 Oppositas: totiesque terga
 545 Vidisse Iberum? non te Hilari tamen,
 Hosti vsque forti pectore cognitum:
 Vestrasúe velitationes
 Continuas reticere possum
 Hogarde, Velsi, Dicte, Bibacule,
 550 Daudid, Robolli, teque Leuncule,
 Catum hostica explorare castra,
 Digne puer meliore fato.
 Laurumque tu qui tam meritus bene,
 O vsque mecum tempus in vltimum
 555 Deducte bellator, memorque
 Militiae verteris Georgi.
 Saluete fortes, quos veneror, viri,
 Commilitones, & socij optimi:
 Inuicta propugnacla belli
 560 Hesperij, genus ô Batauum,
 Saluete Ciues, Martia robora,
 Quos muneretur iure Quiritium
 Digni Aurasinus: Marte priscis
 Nec Lacedemonijs minores.
 565 Non flore nardi, non balano, aut rosis,
 Verum decoro puluere, & hostium,
 Et proprio aspersi refuso
 Pro patria toties cruore:
 Castrensis olim, nunc quoque Ciuicae
 570 Adepti honorem, vos socij mihi,
 Ijdemque confortes fuistis
 Obsidij, famis, & pericli,
 Belli & laborum, quos tulimus simul.
 Ergo & meis vos nunc quoque fas modis
 575 Florere, victurique mecum
 Participes fieri Triumphi.